

MAŠINSKI FAKULTET SARAJEVO, Ul. Vilsonovo šetalište br. 9. (u daljem tekstu : Osiguranik), kojeg zastupa Dekan prof. dr. Izet Bijelonja.

i

ASA OSIGURANJE d.d. SARAJEVO, Ul.Trg Međunarodnog prijateljstva br. 25, (u daljem tekstu: Osiguravač) kojeg zastupa direktor Adnan Hodžić

Zaključili su sljedeći

UGOVOR O OSIGURANJU IMOVINE

Član 1.

Ovim Ugovorom ASA osiguranje d.d.Sarajevo i Mašinski fakultet Sarajevo, kao ugovorne strane uređuju međusobne odnose poslovne saradnje u oblasti osiguranja imovine.

Predmet Ugovora je :

1. Osiguranje imovine, odnosno osiguranje objekata i opreme od:

- opasnosti požara
- osig. od izliva vode iz vodovodnih i kanaliz. cijevi
- osig. od provalne krađe i razbojništva

Član 2.

Po ovom Ugovoru osiguravat će se imovina i oprema Osiguranika, prema Ponudi Osiguravača broj : I-1512/19 od 15.12.2019. g i Odluke Ugovornog organa broj : 06-VL-5801/19 od 23.12.2019. g., a u skladu sa Općim i posebnim uslovima Osiguravača i to :

A. Osiguranje od opasnosti požara

1. Građevinski objekat masivne građe u kojem je smješten Mašinski fakultet (podrum, prizemlje, I, II, III, IV, V sprat) ukupne površine 6900 m² sadašnje vrijednosti sa amfiteatrom 660m² + 215 m² i 8117 m² u istočnom dijelu, na adresi Vilsonovo šetalište broj 9 Sarajevo.

Suma osiguranja =16.277.276,82 KM

(šesnaestmilionadvijestotinesedamdesetsedamhiljadadvijestotinesedamdesetšest i 82/100 KM)

2. Stalna sredstva – laboratorijska i kancelarijska oprema, namještaj, računari i sl. Mašinski fakultet Sarajevo Vilsonovo šetalište broj 9 Sarajevo,

Suma osiguranja =758.021,00 KM

(sedamstotinapedesetosamhiljadadvadesetjedna KM)

B Osiguranje od izliva vode iz vodovodnih i kanizacionih cijevi prostor kao pod A1.

Suma osiguranja =2.000,00 KM

(dvijehiljade KM)

C Osig. provalne krađe i razbojništva -

1. stalna sredstva - oprema, namještaj, računari i sl. Mašinski fakultet Sarajevo Vilsonovo šetalište br. 9. Sarajevo, a prema Općim uslovima za osiguranje imovine.

Suma osiguranja =30.000,00 KM

(tridesethiljada KM)

Član 3.

Ugovor se zaključuje na određeno vrijeme 1 (jednu) godinu dana, sa početkom trajanja od dana **01.01.2020.godine**, pa do dana **31.12.2020. godine**.

Član 4.

Osiguravač se obavezuje ispostaviti police osiguranja za svaki vid osiguranja koji je prihvaćen od strane Osiguranika, a po Ponudi Osiguravača br. I-1512/19 od 15.12.2019. g

Premija osiguranja

Član 5.

Premija osiguranja po ovom Ugovoru za period trajanja ugovora, iznosi 1.626,43 KM (Slovima: jednahiljadašeststotinadvadesetšest i 43/100 KM), po svim vrstama osiguranja iz člana 1. i 2. ovog Ugovora.

Plaćanje premije

Član 6.

Osigurani se obavezuje izvršiti plaćanje dogovorene premije u iznosu od 1.626,43 KM u cijelosti, a po ispostavljenj Fakturi od strane Osiguravača.

Prijavlivanje šteta

Član 7.

Kad nastane osigurani slučaj na osnovu kojega se traži naknada iz osiguranja, Ugovarač, odnosno Osigurani je dužan postupiti po Općim uslovima za osiguranje imovine.

Rješavanje šteta

Član 8.

Osiguravač je obavezan isplatiti naknadu iz osiguranja za štete prouzrokovane nastankom osiguranog slučaja po odredbama Općih uslova osiguranja imovine .

Isplata naknade

Član 9.

1. Kada se dogodi osigurani slučaj, Osiguravač je dužan isplatiti naknadu u ugovorenom roku, koji ne može biti duži od četrnaest dana, računajući od dana kada je Osiguravač dobio obavijest da se osigurani slučaj dogodio. Ako je za utvrđivanje postojanja, Osiguravačeve obaveze ili njezina iznosa potrebno izvjesno vrijeme, taj rok počinje teći od dana kada je utvrđeno postojanje njegove obaveze i visina odštete.
2. Ako iznos Osiguravačeve obaveze ne bude utvrđen u roku određenom u prvom stavu ovog člana, Osiguravač je dužan , na zahtjev ovlaštene osobe Osiguranika, isplatiti iznos nespornog dijela svoje obaveze na ime predujma.

Član 10

Uslovi osiguranja po kojima je zaključen ovaj Ugovor bit će sastavni dio Ugovora.

Član 11.

Ovaj Ugovor stupa na snagu danom njegovog potpisivanja i ovjere od strane ovlaštenih predstavnika ugovornih strana.

Član 12

U slučaju spora po ovom ugovoru nadležan je sud u Sarajevu.

Član 13.

Osiguravač je obavezan Osiguraniku uz Ugovor o osiguranju uručiti Uslove osiguranja, po kojima je Ugovor o osiguranju zaključen.

Član 14.


Ugovor je sačinjen u 4 (četiri) istovjetna primjerka od kojih svaka strana zadržava po 2 (dva) primjerka.

Za Osiguravača :



Adnan Hodžić

Za Osiguranika :



Prof.dr. Izet Bijelonja

Broj : 6/2011-UD/6/R/16

Datum: 06.01.2020.god.

Broj :

Datum:

MAŠINSKI FAKULTET
SARAJEVO
Broj: 06-VL-5913/19
Datum: 30.12.2019